

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 43 (1957)

Artikel: Dieus paghi al poet Flurin
Autor: [s.n.]
DOI: <https://doi.org/10.5169/seals-881567>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 24.05.2025

ETH-Bibliothek Zürich, E-Periodica, <https://www.e-periodica.ch>

Dieus paghi al poet Flurin

(Dedicau a nies poet sursilvan rev. sur plev. Fl. Camathias
per siu 50 avel di de naschientscha 1871—1921)*

Leu sil munt sogn Gieri sper in mir
Ses'in um persuls en habit stgir.
Sur ils cuolms lai el sgular l'egliada.
Si encunt'il firmament burniu
Mir'el plein fidonza tier nies Diu
Che schurmeg'ils vitgs e la vallada.

Tut in bi curtin da cuolms tschinclaus
Nies car Rein va tras ils èrs e praus,
Pegns e larischs sin las spundas uran.
Dus utschals discuoran leu sigl ur
Dal poet che port'il num de flur,
Tuttas flurs en sien siu laud ramuran.

Ord la val aud'ins carin clamond
In zennet cun tun schi commuentont
Tut surstaus igl um stat si e mira
Sin ils vitgs giuviars ch'ei plein splendor,
Ses uclauns e pradas tut en flur,
Sia vusch resuna sco la lyra:

«Mia patria che jeu tegn schi car,
Hai per tei astgau sedelectar
Onns ed onns, en tut tschuncont'annadas.
Stai en flur, o patria, car schenghetg!
Hai luvrau per tei cun dulutsch deletg,
Quellas uras ein schi spert vargadas.»

Mira! Tgi vegn neu ord il casti?
E la tuor sesaulza pli e pli!
Ord la porta passan treis persunas,
Sacerdots: Sogn Leci ordavon,
Sogn Florin, sper el il bien caplon
Dil casti, staturas dètg grischunas.

Ed il pievel vegn, stat el curtin,
Tuts salidan il poet Florin:
«Paghi Dieus!» tschien fermas vuschs ramuran.
Tuts svaneschan, il poet s'alzond
Mir'ensi: «Al Segner laud!» urond,
Pegns e larischs sillas spundas uran.

*) A caschun della fiasta della Romania 1956 a Lags han ins, undrond sgr. prof. P. Tuor, era seregurdau da siu amitg, sur Fl. Camathias, morts avon 10 onns. Quei fatg ha clamau a nus en memoria ina poesia d'undrientscha d'in poetin de 19 onns, fatga e recitada dad el sez per la fiasta della Romania, 1921, a Trun, nua ch'ins ha cun quella caschun era seregurdau dil 50 avel anniversari de nies meriteivel poet Flurin Camathias. Nus schein comparer cheu quella, essend ch'ella era da sias uras patertgada sco undrientscha della *Romania* al confundatur e poet della Romania.

La redacziun.